



Adresa: **Ul.H.Čemerlića 39A**
71000 Sarajevo
<http://www.voda.ba>

tel. +387 33 726 444
fax. +387 33 726 414
e – mail: info@voda.ba

Broj: **UP-I/25-1-40-061-5/21**
Datum: 25.02.2021. godine

«Agencija za vodno područje rijeke Save» Sarajevo rješavajući po zahtjevu pravnog lica „VOITH HYDRO BOSNIA” d.o.o. Živinice za donošenje rješenja o prethodnoj vodnoj saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada proizvodno-skladišnog objekta namjene za proizvodnju elektro motora i generatora sa transformatorskom stanicom koji se planira graditi u industrijskoj zoni Lukavac, na osnovu člana 109. stav 2. tačka 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98 i 48/99), donosi

RJEŠENJE **o prethodnoj vodnoj saglasnosti**

1. Pravnom licu „VOITH HYDRO BOSNIA” d.o.o. Živinice daje se prethodna vodna saglasnost za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada proizvodno-skladišnog objekta namjene za proizvodnju elektro motora i generatora sa transformatorskom stanicom koji se planira graditi u industrijskoj zoni Lukavac, na zemljištu označenom kao k.č. broj: 65/26 upisano u K.O. Bokavići, općina Lukavac.
2. Prethodna vodna saglasnost daje se u postupku izdavanja okolinske dozvole, urbanističke saglasnosti za objekte i aktivnosti za koje nije potrebna okolinska dozvola i u postupku izdavanja koncesije na vodama i vodnom dobru.
3. Ova prethodna vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
4. Prethodna vodna saglasnost se daje na osnovu pregleda dostavljene projektne i druge dokumentacije, utvrđenog činjeničnog stanja i pod slijedećim uslovima:
 - 4.1. Izraditi i revidovati investiciono tehničku dokumentaciju za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i način konačnog zbrinjavanja tehnoloških otpadnih voda, u postupku izgradnje i rada proizvodno-skladišnog objekta namjene za proizvodnju elektro motora i generatora sa transformatorskom stanicom koja se planira graditi u industrijskoj zoni Lukavac. Investiciono-tehnička dokumentacija mora biti urađena na nivou projekta za pribavljanje odobrenja za građenje.
 - 4.2. Investiciono-tehnička dokumentacija treba biti urađena od strane projektne firme koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (lista «A») a u skladu sa odredbama Zakona o vodama i treba da obradi sva pitanja definisana članom 5. Pravilnika o sadržaju, obliku, uvjetima i načinu izdavanja i čuvanja vodnih akata koja su bitna za konkretan slučaj («Službene novine Federacije BiH, broj 31/15, 55/19 i 41/20), a naročito:
 - Proračun potrebnih količina vode za nesmetan rad poslovnog objekta;
 - Detaljan opis djelatnosti pravnog lica, vrsta proizvoda i godišnji kapacitet proizvodnje,
 - Opis pogona i postrojenja (tehnološke i tehničke cjeline sa pomoćnim objektima u konkretnom slučaju sa osvrtom na objekat trafostanice, uključujući opremu za smanjenje negativnog uticaja);
 - Lista sirovina i pomoćnih materijala uključujući hemijske supstance i gorivo (naziv sirovine, godišnja potrošnja, potrošnja po jedinici proizvoda, ukupni godišnji trošak, opis komponenti ili osobina sa značajnim efektima po vode, način dopreme, skladištenja i unutrašnjeg transporta);

- Tehničko-tehnološko rješenje sistema prikupljanja, prečišćavanja i načina konačnog zbrinjavanja tehnoloških otpadnih voda sa svim potrebnim proračunima, tehničkim opisom i grafičkim prilogima;
- Proračun količina i sastava otpadnih voda koje mogu nastati na lokaciji poslovnog objekta i pripadajućim objektima (skladišta trafo ulja, hemikalija, manipulativni i parking prostor i dr.);
- Posebno obraditi način prihvatanja, skladištenja i pretakanja trafo ulja, te način postupanja sa otpadnim uljima, vodeći računa o primjeni mjera za prevenciju i smanjenje negativnog uticaja istih na podzemne i površinske vode;
- Na preglednoj situaciji prikazati cjelokupan lokalitet sa planiranim objektima i način odvodnje oborinskih onečišćenih voda sa internih saobraćajnica i radno – manipulativnih površina predmetnog objekta;
- Ocjeniti mogućnost nastajanja uticaja planirane aktivnosti na režim voda ili uticaj režima voda na predmetni lokalitet, objekte, stanovništvo, okolinu i sl. sa definisanjem mjera kojima se onemogućuje ili smanjuju štetne posljedice od voda.

4.3. Predmetni objekat ne smije biti u koliziji sa površinskim vodama (unutar granica vodnog doba i plavnom području), niti da se nalazi u priobalnom pojasu i zaštitnim zonama izvorišta vode za piće.

5. Nakon ishodovanja Rješenja o urbanističkoj saglasnosti od nadležnih službi, potrebno je podnijeti zahtjev za donošenje Rješenja o vodnoj saglasnosti na projektnu dokumentaciju. Pored investiciono – tehničke dokumentacije urađene u skladu sa uslovima datim u dispozitivima ovog Rješenja, Investitor treba dostaviti i dokumentaciju navedenu u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata.
6. Ovo Rješenje o prethodnoj vodnoj saglasnosti Investitor će koristiti u postupku dobijanja urbanističke saglasnosti i ona definiše sve uslove koje projektna dokumentacija treba ispuniti sa aspekta voda u skladu sa Zakonom o vodama.
7. Prethodna vodna saglasnost se daje sa rokom važenja od 3 (tri) godine od dana pravosnažnosti ovog rješenja, u skladu sa članom 111. stav 3. Zakona o vodama.
8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
9. Ova prethodna vodna saglasnost se može izmjeniti ukoliko nastupe razlozi utvrđeni u članu 130. stav 1. tačka (1)., (2)., (3). ili (4). Zakona o vodama («Službene novine Federacije BiH», broj 70/06), a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „VOITH HYDRO BOSNIA“ d.o.o. Živinice, zahtjevom bez broja od 10.02.2021 godine obratilo se ovoj Agenciji za donošenje rješenja o prethodnoj vodnoj saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada proizvodno-skladišnog objekta namjene za proizvodnju elektro motora i generatora sa transformatorskom stanicom koji se planira graditi u industrijskoj zoni Lukavac, na zemljištu označenom kao k.č. broj: 65/26 upisano u K.O. Bokavići, općina Lukavac.

U provedenom postupku dostavljena je i pregledana slijedeća dokumentacija:

- Ovjerena kopija Rješenja o upisu u registar pravnih lica broj: 032-0Reg-20-001389 od 19.10.2020. godine izdata od Općinskog suda u Tuzli,
- Ovjerena kopija Uvjerenja o poreznoj registraciji donesenog od strane Porezne uprave – Kantonalni ured Tuzla, 28.10.2020 godine,
- Obavještenje o razvrstavanju pravnog lica prema kvalifikaciji djelatnosti broj: 07-32.5-16126/20 od 29.10.2020 godine izdato od Službe za statistiku za područje Tuzlanskog kantona,
- Ovjerena kopija Katastarskog plana, razmjera 1:2500, broj: 06-26-3-372/2021-3 od 01.02.2021. godina izdata od Službe za geodetske i imovinsko-pravne poslove Općine Lukavac,

- Ovjerena kopija posjedovnog lista broj: 06-26-3-372/21-2 od 01.02.2021. godine izdata od strane Službe za geodetske i imovinsko-pravne poslove Općina Lukavac,
- Ovjerena kopija zemljišnoknjižnog izvataka broj: 126-0-NAR-20-002993 od 09.12.2020. godine izdata od strane Općinskog suda u Lukavcu,
- Mišljenje broj: 09-19-215/21 od 22.01.2021. godine dato od strane Službe za urbanizam, prostorno uređenje i zaštitu okoliša, Općina Lukavac,
- Odgovor broj: 05-02-297/21 od 03.02.2021 godine dat od strane JP „RAD“ d.o.o. Lukavac,
- Uvjerenje o položaju parcele u odnosu na zone sanitarne zaštite vode za piće broj: 09-19-215/21 od 03.02.2021 godine izdato od strane Službe za Urbanizam, prostorno uređenje i zaštitu okoliša, Općina Lukavac,
- Obavijest o obavezi pribavljanja okolinske dozvole broj: 12-04/1-19-044214/20 od 16.02.2021 godine izdata od strane Ministarstva prostornog uređenja i zaštite okolice Tuzlanskog kantona,
- Načelna saglasnost o priključku na vodovodni i kanalizacioni sistem broj: 05-02-318/21 od 09.02.2021 godine izdata od strane JP „RAD“ d.o.o. Lukavac,
- Dokaz o uplaćenju administrativnoj taksi i upravnoj pristojbi,
- Studija za izdavanje prethodne vodne saglasnostiza industrijski objekat pravnog lica „VOITH HYDRO BOSNIA“ d.o.o. Živinice u Lukavcu, urađena od strane „ES HYDROTECHNICS“ d.o.o. Živinice, februar 2021 godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 1. Pravilnika o izmjeni dopuni pravilnika o sadržaju, obliku, uvjetima, načinu izdavanja i čuvanja vodnih akata (Sl. novine FBiH», broj 41/20), o zahtjevu je dana 16.02.2021. godine obaviještena javnost putem obavještenja u dnevnim novinama „Oslobođenje“. U ostavljenom roku nije bilo pisanih izjašnjenja o predloženim aktivnostima iz zahtjeva.

U skladu sa članom 124. stav 1. Zakona o vodama o zahtjevu je dana 16.02.2021. godine obaviještena javnost putem obavještenja na oglasnim pločama „Agencije za vodno područje rijeke Save“ Sarajevo. U datom roku nije bilo pisanih izjašnjenja o predloženim aktivnostima iz zahtjeva.

Na osnovu uvida u raspoloživu dokumentaciju, utvrđeno je:

- Lokacija planiranih objekata proizvodno-skladišnog objekta namjene za proizvodnju elektro motora i generatora sa transformatorskom stanicom se nalazi u industrijskoj zoni Lukavac, na zemljištu označenom kao k.č. broj: 65/26 upisano u K.O. Bokavići, općina Lukavac.
- Uvidom u dostavljenu Studiju uz zahtjev utvrđeno je da prema raspoloživim saznanjima u predmetnom tehnološkom procesu nema direktne potrošnje vode te da ne nastaju tehnološke otpadne vode.
- U sklopu objekta je planirana trafostanica sa četiri trafoa. Za sprečavanje curenja trafo ulja i njegovog dospijevanja u okoliš predviđene su vodonepropusne tankvane.
- U planiranoj kotlovnici kao gorivo će se koristiti pelet.
- U aktu broj: 12-04/1-19-044214/20 od 16.02.2021 godine izdata od strane Ministarstva prostornog uređenja i zaštite okolice Tuzlanskog kantona je navedeno da predmetni zahvat nije potrebno pribavljanje okolinske dozvole.
- Predmetna parcela se ne nalazi u zonama sanitarne zaštite vode za piće što je utvrđeno u aktu broj: 09-19-215/21 od 03.02.2021 godine izdato od strane Službe za Urbanizam, prostorno uređenje i zaštitu okoliša, Općina Lukavac.
- Podnosilac zahtjeva je pribavio načelnu saglasnost sa uslovima za priključenje fekalnih i oborinskih otpadnih voda sa predmetne lokacije.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 4. dispozitiva Rješenja, shodno odredbama Zakona o vodama, Pravilnika o sadržaju, obliku, uslovima i načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije propisani su uslovi koje je Investitor dužan ispuniti prilikom izrade projektne dokumentacije koja se dostavlja uz zahtjev za izdavanje vodne saglasnosti.

Na osnovu prednjeg i provedenog postupka, a shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata, doneseno je Rješenje kao u dispozitivu.

Podnosilac zahtjeva je uplatio upravnu i administrativnu taksu u iznosu od 80 plus 3KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM takse, prema tarifnom broju 3. Tarife federalnih administrativnih taksi.

Voditelj postupka:

Ahmedić Behija dipl.inž.tehn.

Po ovlaštenju
Rukovodilac sektora za izdavanje vodnih akata

Haris Ališehović, dipl.inž.građ.

Dostaviti:

- „VOITH HYDRO BOSNIA“ d.o.o. Živinice, Maline- Ljubače do broja 256, Put Suha, Živinice
- AVP Sava, ISV-vodna knjiga
- Org.jed. 40 – arhiva
- Oglasna ploča AVP Sava